



DEO OPTIMO MAX.
UNI ET TRINO,
VIRGINI DEI-PARÆ, ET S. LUCÆ,

Orthodoxorum Medicorum Patrono

BIB. Santé
Médecine
Paris

QUÆSTIO MEDICA,
QUODLIBETARIIS DISPUTATIONIBUS
*manè discutienda in Scholis Medicorum, die Martis nono mensis
Februarii, anno Domini M. DCC. LXXXX.*

M^o. ANTONIO BOTTMAN, Doctore Medico, Præfide.

*An idem arthritidi, calculo vesicæ, nephralgiæ arenosæ, aliisque id genus morbis potissimum
obnoxii senes, quod hæc ætate potissimum ossa compages deteratur.*

I.

QUAMVIS utriusque sexûs infantes, pueros, adolescentes, senesque (a)
morbi ferè omnes promiscuè afficiant, omnimodo genere dolorum crucient,

(a) Hic, more veterum, infantix, pueritix, adolescentix, senectutisque nominibus

ne vel in uteri latebris incluso fetui parcant, nihilominus quædam ægrotationum genera cuilibet, tum ætati, tum sexui, non sine tacito variæ temperiei structuræque dissimilis respectu, natura affectavit. Sic, in infantibus & pueris, colicas pariunt acida fermenta, stomachum & intestina divellunt vermes, humores inficiunt scrophulæ, cutem deturpant lactumina, convulsivos motus, anorexiam, picam, vomitum, bradypepsiam, diarrhœas, &c. ciet laboriosa dentitium eruptio, nutritionis vias intercipiunt mesentericarum glandularum obstructions, rupturas promovet, hæmorrhagias exitiales vocat, fragile corpus immisericorditer quatit tussis ferox, imminet variolæ, morbilli, victimas innumerales præmaturæ morti devovendo. Sic in adolescentes debacchantur angina, pleuritides, peripneumoniæ, phrenitides, aurigo, dysenteriæ, hæmorrhoides, sanguinei screatus, cephalalgia, mania, hypochondriasis, febres permultæ, phthisium pulmonalium insultus. Sic, ratione sexuum, mares parorchidium, phimosis, priapi mus, satyriasis, hydrocele, testiculorum vitia, dyspermatismus; feminas autem hysteria, nymphomania, leucorrhæa, abortus, menorrhagiæ immodicæ, mensium anomalia, hysteroptoses obsident. Sic infantia, pueritia, adolescentiæque periculis liberatos excipiunt senectutis incommoda, herpes, varices, catarrhus, asthma, catatactæ, hemiplegia, apoplexia, rheumatismi, arthritides, nephralgiæ, calculi, ischias, lumbago, amentia senilis, atrophia, gangræna, sphacelus, scorbutus, hydropes. Quorum omnium morborum indolem si symptomatum animadversione scrutaveris, quiddam semper acutum violentumque deprehendes in infantibus pueris, & adolescentibus, dum in senibus assultus lenti, dolores toleratu faciliores, chronici affectus, ut tunc temporis opus ipsa suum eadem, quæ coagmentavit, natura dissolvere videatur. Unde rectè aiebat Cicero: *adolescentes mori sic mihi videntur ut cum aquæ multitudine vis flammæ opprimitur: senes autem sicut suâ sponte, nullâ adhibitâ vi consumptus ignis exinguitur: & quasi poma ex arboribus, si cruda sunt, vi avellantur: si matura & cocta, decidunt: sic vitam adolescentibus vis aufert, senibus maturitas (b).* Quare etiam inferiùs addit: *omnis conglutinatio recens ægre: inveterata, facile divellitur (c).*

omnes vitæ humanæ periodos, brevitatis causâ, complector. Nemo autem nescit adolescentiæ vocabulo significari *inientem adolescentiam, mediam ætatem, ætatemque constantem* seu *virilem*, senectutem verò in binas sciendi partes scilicet *crudam senectutem*, propriè dictam *senectutem*, *senectutemque decrepitam*, *senium* nuncupatam.

(b) Cicero, de senectute. n. 71.

(c) Ibid. n. 72.

Infantilem puerilemque mechanismum peculiaribus, quales enumeravimus, morbis obijciunt alimentorum genus viscidum, infarciens, acori proximum, irritabilitas summa, eximia sensibilitas, vasorum debilitas, fibræ laxitas, meabiliora absorbentia cutis spiracula.

Juvenilem œconomiam periculis ambiunt similiarium dissimiliariumque partium robor, motuum violentia, vires digestivæ validiores, animi pathemata vehementiora.

Senilibus annis insidias parant crudeles universalis imbecillitas, mentis ægritudines, liquorum acrimonia, sed præsertim ex ossium ruinâ initio clanculum gliscente profectæ, postremoque humorum massam nocivo lentore inficientis, materiei cretaceæ redundantia: adeo ut nedum, cum plerisque physiologis, indefinitam, ætate exactâ, ossibus duritatem velim adscribere, è contrâ eadem tunc pluribus majoribusque pertundi poris persuasum habeam, proindeque plurimorum senilium morborum causas generales è novo fonte eruere cogar. Itaque non vanam impendisse operam arbitror si probavero ideò arthritidi, calculo vesicæ, nephralgiæ arenosæ, aliisque id genus morbis potissimum obnoxios esse senes quod hac ætate potissimum ossa compages deteratur.

I I.

PRIUSQUAM ad specialia positæ thesæos argumenta deveniamus, tantisper in miram quam præ se ferunt causæ evidentiores morborum, passim sub occasum vitæ vigentium, similitudinem immoremur. In eo enim consentiunt humorum visciditas, tardior sanguinis circulatio, respiratio minus cita, vasorum rigiditas, spirituum animalium remissior circuitus, cutis impermeabilitas, hebetior sensuum internorum acies, generationis organorum semine torpido & effeto quies, gastrici succi enervatio, nutritio difficilis, excretorum amissa pristina fluiditas, opacata lens crystallina, aurium gravitates, linguæ papillæ obtusiores, membrana Schneideri crassior, tactus organa stupore insuperabili semisopita, in eo, inquam, hæ omnes consentiunt causæ quod ad eandem communemque originem, scilicet ad molecularum terrearum, in torrente circulationis undequaque pervagantium, exuberantiam, commodè referri possint.

Re quidem verà à redundante permixtâ cum reliquis humoribus terreni elementi copiâ supra dictas manare causas deprehendemus, earum si cum suis effectibus concatenationem accuratè perpenderit, & insuper attenderit liquorum arcescendæ densitati magnoperè inservire debere præsentem simul,

nunc acidam , nunc alkalescentem , nunc muriaticam , pruritu , erythemate , psydracius , destillationibus , efflorescentiis , insomnio , cachecticis impetiginibus , egestionum fetore , vitiliginibus , papulis , guttâ roseâ , serpiginibus , &c. indicatam , tantamque in senibus acrimoniam . Liquores infantum blandi , albuminis similes , salium expertes , inodori : suavissimam animam spirat innocens pectus ; nil ingratum in sudore , in salivâ , in insensibili perspirationis effluvio ; urina dulcis ; bilis ipsa mitior ; fæces alvinæ vix fetent . Quantum aliter de senibus agitur ! Quantum ab illâ benignâ humorum indole distant ! Jam , ad intrâ coercitis quas antea trans mittebat particulis acribus , nil exhalat cutis exsucca præter solitū aquæ paucillū (d) ; crassorum conspicuorumque excrementorum moles vicissim crevit . Alvum sicciorem fecit imminuta intestinorum irritabilitas : inde per diu retinentur fæces , & suum fetidissimum nidorem ad sanguinem uberius mittunt . Fluida omnia labe imputâ adulterantur . Funestam autem illam metamorphosin per longam seriem annorum paravere indestructibilis salis marini spicula , alkalini carniū ingestarum vapores , spirituosus vinorum fervor , aromata , seminum calefacientium usus intemperantior . Hinc anima gravis ; hinc sanguis falsus , & urina & sudor ; hinc , nulliūs vehiculī delinientis interventu temperatæ , particulæ acres glutinosa ossæ coagmentationis perfringunt repagula , terrestresque moleculas rodendo , abstrahendo , dissolvendo , cæteras corporis partes pernicioso lentore seriūs oculis infestant .

Notarum herclè harumce ambarum , lentoris nempè & acritatis , manifesta indicia exhibent corporeæ pleræque calamitates quibus scaturiunt ætate provectâ mortales : imprimisque arthritidis (e) , calculus vesicæ , nephralgia arenosa , & ejusdem farinæ alia mala ferè nunquam talium causarum communione vacant .

Ut ut hæc sint , ad rem revertor : neque enim postea fusiūs enucleanda necessum anticipare . Fecerim satis si , quàm potero dilucidius , hinc ostendero arthritidem , calculum vesicæ , nephritidem arenosam , &c. magnam partem pendere à materie cretaceâ terræ ossium consimili , indeque monstrauero præsertim in senibus destrui solidas ossium partes . Ex utriusque propositi præviâ demonstratione conclusionem feliciter & ex animi sententiâ confido successuram .

I I I.

P R I M U M , quod aliud seminum spontanei , vagi , periodicique articulo-
rum doloris , quem arthritidis nomine medici intelligunt , quàm mera terrei

(d) Dodart. apud Duhamel , *anciens Mémoires*. p. 226. *Hist. Acad. Reg. Societ.* p. 388. Ibid. ann. 1707. p. 234. de Gorter. *Perspir.* p. 300.

(e) Boerhaav. aphorism. 1263. Sydenh. tract. depodagrâ. p. 559. Coste , *traité de la goutte* p. 27. 33. Liger , *traité de la goutte*. p. 63.

elementi coerceri impatientis, & effugium quomodocunque quæritantis nimietas? Quid aliud sonat genuina paroxysmorum discussio? Irruptionem prænunciant (*f*) famis languor, digestio operosa, morositas, linguæ sordes, ructus nidorosi, alvus adstricta, flatus, borborygmi, spontaneæ lassitudines, somnolentia, lotium paucum, coloratus, aliqualis rigor internus juxta vespeream, motus febriles; invasionem comitantur (*g*) urinæ copiosæ, tenues, decolores, arida cutis, molesta tendinum contentio, violenta ligamentorum quasi dilaceratio, dolores noctu exacerbandi, gradatim intensiores facti, in lacertosis, sanguineis, melancholicisve atroces, in imbecillis, pituitosis debiliores; intervallo brevi sequuntur (*h*), nunc tumor œdematosus, mollis, nunc inflammatio phlegmonodes febricitatione stipata, donec, si medicinâ efficaci oppugnata fuerint symptomata, opportunoque emollientium (*i*), eccoproticorum (*k*), enematum, phlebotomiæ (*l*), hirudinum (*m*), balneorum, moderati exercitii (*n*), frictionum (*o*), unctionis (*p*), sudoriferorum (*q*), diureticorum, moxæ (*r*), cucurbitularum (*s*), causticorum, vesicantium (*t*), diætæ (*u*), cæterorumque a therapeu-

(*f*) Boerhaav. *Aphorism.* 1257. Helmontius, in capitulo *volupe viventium morbus.* p. 315. n. 28. Sydenham, *Tractat. de Podagrâ.* p. 546. La Coste, *Traité Pratique sur la Goutte.* p. 58 &c. Cælius Aurelianus, *Morbor. Chronicor.* Lib. V. Cap. 2. p. 558.

(*g*) Sydenham, *Tractat. de Podagrâ.* p. 546, 547, 553, 554. Van Swieten, *comm. in Boerhaav. Aphor. T. IV.* p. 314. Lucianus, *T. iij.* p. 645 & seq.

(*h*) Sydenh. p. 548. Van Swiet. *Comm. in Boerh. Aph.* p. 314. Cælius Aurelianus, *Morbor Chronic. L. V. Cap. II.* pag. 559.

(*i*) Sydenh. p. 601. Boerhaav. *Aphor.* 1278.

(*k*) Hoffmannus, *Med. rat. & system. T. IV. Part. II. Sect. II. Cap. ij.* p. 529.

(*l*) Sydenh. p. 560. Ægineta, *Lib. iij. Cap. 78.* p. 57. Versa. Galenus, de curandi ratione per venæ Sect. Cap. 7. Charter, *T. X.* p. 436. Van der heiden, *Discours & Avis, &c.* p. 72. 83.

(*m*) Sauvages, *nosol. meth. T. ij.* p. 21. Suadente Pringle.

(*n*) Celsus, *Lib. I. Cap. IX.* p. 39. Sydenh. *de Podagrâ.* p. 590. 591. 596. 597. Lucian. *T. iij.* p. 652. Van Swiet. *Com. in Boer. Aph. T. IV.* p. 323. Aurelianus, *Lib. V. Cap. II.* p. 561. Ægineta, *Lib. III, Cap. 78.* p. 58.

(*o*) Ætius, *Sermon. XII. Cap. XXI.* p. 314. Van Swiet. *com. in Boer. aph. T. IV.* p. 374.

(*p*) Boerhaav. *Aphorism.* 1278.

(*q*) Sydenh. p. 564. 585. Coste. p. 66. 67. 68.

(*r*) *Miscellanea curiosa. Decur. j. ar. 6 & 7.* p. 319.

(*s*) Hoffmannus, *Med. rat. & Syst. T. IV. Part. II. Sect. II. Cap. XI.* p. 525.

(*t*) Trallianus, *Lib. XI. Cap. I.* p. 623.

(*u*) Lobb. *de Calculo & Podag. &c. Cap. XX,* p. 215, &c. Ramazzin. *Oper.* p. 478. Sydenh. p. 578 & seq. Coste. p. 86 & seq. Mead, *Monit. & Præcept. Med.* p. 202.

rice mutuatorum auxiliorum usu fuerint debellata ac difflata, morbus tandem nisu saluari solvitur. Tùm ampla diaphoresis (*v*); fudor multus, arenosus (*x*), fetidus, viscosus, puri argenti nitorem obfuscanſ, & partialis, & generalis, oritur (*y*); tùm urinæ acres, ſedimento albido, lutulento, glareoso referatæ (*z*); tùm articularum cavitates, loca tendinibus ligamentisque vicina agger gypſeo cumulantur (*a*); identidem tophi cutem rumpunt, forasque prodeunt (*b*); ſæpè diſtorſiones ſtupendas, miras deformitates offa patiuntur (*c*), ancyloſibus que vix medicabilibus juncturæ conferruminantur; lapides calcarei in hepate, pulmonibus, palpebris & cæteris organis inventi (*d*); frequentiffimè videre eſt furfuraceam partis affectæ deſquamationem (*e*); legimus quosdam paroxiſmo liberatos per largam expuitionem pulveris arenuloſi, duri, ſub digitis crepitantis, qui etiam è naribus plurimus emungebatur (*f*). Uno verbo ferè ſemper, elapſis aliquot diebus, rarò duobus aut tribus menſibus (*g*), ſolitam, prophylaxique ritè inſtitutâ quantum fieri poterit ſervandam, ægris reddit alacritatem, criſis ſpecie promota, materie ſpiſſæ terrenæque ſæce turgidæ uberrima evacuatio.

Similiter non poterimus quin cauſis ſprocatharticis calculi veſicam reneſque proritantis, vel ureteribus impacti, indèque natorum ulcerum, dyſuriarum, ichuriarum, nephritidum, tenefmorum, hæmaturiarum, annumeremus humoris lapideſcere pernicioſi ad urinaria cola deſluxum per arterias emulgentes. Ibi morâ, quiete, ſeri tenuioris avolatione, diuturniore in lecto decubitu (*h*), baſis hete-

(*v*) Syd. de Podag. p. 559.

(*x*) Thom. Barthol. Hiſtor. Anatom. Rar. Centur. I. Obſ. XXX. p. 54.

(*y*) Coſte, Traité Pratique ſur la Goutte. p. 23. 60. Sydenh. p. 659.

(*z*) Acad. des Sciences. L'an 1747. Hiſt. p. 56. in-4°. Baglivi. opera omnia prax. Med. Lib. I. p. 117.

(*a*) Pechlinus, Obſervat. Phyſico-Medicar. Lib. II. Obſervat. 25. p. 272. Sydenham, p. 550.

(*b*) Sydenh. p. 550. 551. Van Swiet. com. in Boer. Ap. T. IV. p. 324. Mead, Monit. & Præcept. Medic. p. 198. 199. Coſte, Traité Prat. ſur la Gout. p. 23. Hoffmannus, Medic. Rat. & Syſt. T. IV. Part. II. Sect. II. Cap. II. p. 506 & ſequent. Medic. Obſ. And Inquiries. p. 47 & ſeq.

(*c*) Suëton. Lib. VII. p. 584. Sydenh. p. 550.

(*d*) Plateruſ, Prax. Med. T. II. p. 598. Liger, Traité de la Goutte. p. 344. Pechlinus; Obſervat. Phyſico-Medic. Lib. II. Obſerv. 25. p. 272.

(*e*) Medic. Eſſays. T. II. p. 42. 43.

(*f*) Sauvages, Noſolog. Method. T. II. p. 19.

(*g*) Sydenham, p. 549. 551. Lucian. T. III. p. 648. Hippocr. Aphor. 49. Sect. VI. Sauvages, Noſol. Met. T. II. p. 20.

(*h*) Hales, hæmaſtatics on the animal calculus. Experim. IX. p. 228.

rogeneæ insolubilis occurſu (i), aliquâve fermentatione (k), attractione, aut principiorum conflictu concreſcit hic humor, grumofque producit quotidie novam ſoliditatem acquiſituros, incruſtationes varias (l), grana ſabuloſa, lapillos, lentis, piſi, ciceris magnitudine, corpora demum nucis, ovi, quinimò majus adhuc volumen nonnunquam adæquantia (m), ſucceſſivis & concentricis appoſitionibus coagmentata.

Calculi levore, aſperitatibus, colore, figurâ, ſitu, pondere, auctûs celeritate (n) admodum diſſimiles: cruciatibus diris ægros miſerrimè torquent, potentioribus lithontripticis ægrè diſſolvuntur, dolorificâ miſtione interdum egeruntur (o), ſed ſæpius eheu! ſolertem lithotomi induſtriam requirunt.

Aliquantulum intimam diverſorum calculorum eſſentiam diſcrepaſſe exiſtunt exempla: generatim tamen à calce podagricâ, ſaltèm quoad præcipuas baſis terreæ qualitates, nequaquam diſpar (p), ſi fides teſtimonio ſenſuum & accuratis, quæ toties inſtituerunt chemici peritiores, experimentis.

Calculi humani gravitatem oſſeam vix unquam ſuperant, quâcum eoſdem creberrimè congruere evicerunt *Boylei* encheireſes (q).

Celeberrimus *Hales* tophos arthriticos calculoſæ congeriei perfectè ſimiles aſſerebat (r).

Terra quidem arthritica, terra calculoſa, terra ipſamet oſſea in acidis ſolvuntur (s), nativæque ſinceritati reſtitutæ, ideſt, à ſubſtantiâ ſimul arcto nexu conjunctâ, quam acido ſaccharino analogam illuſtriſſimus *Shleele* in-

(i) Nuckius, *Adenograph. Curios.* p. 78 & ſeq. *Acta Eruditorum.* ann. 1700. p. 231. Thom. Barthol. *Epistol. Medicin. Centur. II. Epist. 37.* p. 688. *Centur. III. Epist. 35.* p. 128. *Differtaz. ed. offervaz. Anton. Benevoli. obſerv. XXII.* p. 205. *Acad. des Scienc. an. 1750. in-4^o. hiſt. p. 5. ann. 1753.* p. 128. *Medic. Eſſays and Obſervat. Vol. IV. N. XVI.* p. 297. *Acad. Royal. de Chirurg. T. III.* p. 605 & ſuiv.

(k) Notavit *Hales* plus calculoſæ materiæ ſecedere ab urinâ, dum in putredinem tendit. *Hæmaſtaticks. On The Animal Calculus. Experim. VIII.* p. 218.

(l) Drelincurtius, *Opuscul. Medic.* p. 160.

(m) Ruiſch, *Obſervat. Anat. Chirurg. Centur. Obſervat. 89.* p. 82. Van Swieten, comm. in Boerhaav. *Aphor. T. V.* p. 211. 239. *Giov. Targion. Tozzetti Obſervaz. Medic. p. 121. 122. Helmontius, de Lithiaſi. Cap. III.* p. 676. § XL.

(n) Denys. *Aanmerkingen over den Steen, &c. Cap. VI.* p. 93. 94.

(o) Van Swiet. comm. in Boerh. *Aphor. T. V.* p. 212. 247. *Tulp. Obſervat. Medic. Lib. II. Cap. 47.* p. 171. *Lib. III. Cap. 7.* p. 191.

(p) Van Swieten, comm. in Boerhaav. *Aph. T. V.* p. 232.

(q) Boyleus, *Medicin. Hydroſtatica.* p. 9. 66.

(r) *Vegetabl. Staticks.* p. 192.

(s) Van Swiet. com. in Boerh. *Aph. T. IV.* p. 326. 329. *Philosoph. Tranſact. N^o. 403.*

venit (t), repurgatæ, ferrique, aeris, olei, salium consortio expeditæ, a calce puriori nullo artificio distinguuntur.

Jam verò terreas ossæ machinæ molecule in senibus, plus quàm in alio vitæ stadio, à suâ sede dimoveri, humoribusque circulum obeuntibus denuò tradi, instat recordemur. Ut liquores fenum viscosi! ut sanguis, lympa, mucus narium, ut excreatus glutinosi! ut sordibus squamosis terrestribusque perpetuò obducitur cutis! cujus incommodi propriâ experienciâ edoctus, tùm senior, rem sic lepidè Horatius interpretabatur.

Non ego pauperum

Sanguis parentum, non ego quem vocas,

Dilecte, Mæcenas, obibo;

Nec stygiâ cohibebor undâ.

Jamjam residunt criuribus asperæ

Pelles & album mutor in alitem

Superna, nascunturque leves

Per digitos humerosque plumæ (u).

Per longam seriem annorum augentur ossa: circà vigesimum ampliari desinunt, sed, & robore, & soliditate, crescunt usque ad senectutis initia. Vix aliquandiu consistunt, brevique decremento ineluctabili in pejus ruere incipiunt. Tunc justam tenacitatem, cujus ope secum invicem terrea stamina ligabantur, in dies amittit lympa, durioresque ossium particule, è suâ sede dimotæ, paulatimque decarceratæ, in torrente circulationis divagantur, è corpore, si esugium nanciscantur, egressuræ: sin minus, morbos varios, quales arthritidem, calculum vesicæ, nephralgiam arenosam, indefinitamque malorum turbam producturæ. Tunc adamantina dentium fabrica frustillatim propter vetustatem dilabitur. Tunc, vinculorum conglutinantium defectu, summoperè difficilis ossium fractorum coalitio (v), apud infantes tam prompta (x).

Quos non movebunt talia momenta, velim sedulâ sæpiusque iteratâ sectione

p. 491. Abridg. T. VII. p. 634. Fougereux, Mémoire sur les Os. p. 5. 22. Hales, veget. Statick. Cap. VI. Experim. 73. p. 178. 189 & seq. Hæmæstæticks. p. 194. 223.

(t) Macquer, Dictionn. de Chymie. T. II. p. 445. 446. Sheele, Mém. de l'Acad. Royal. des Scienc. de Stockholm. ann. 1776. Bergman, *ibid.* Addition au Mémoire de Sheele sur la Pierre de la Vessie.

(u) Q. Horatii Carminum. Lib. II. Carm. XX

(v) Van Swiet. Com. in Boerhaav. Aph. T. I. p. 592. P. Ammon *Parænes.* p. 354. Os vetuli animalis vix quidquam ad calli formationem conferre. Fougereux, p. 123. Etiam lignorum fibras, quando induratæ sunt, nunquam consolidescere. Duhamel, Mém. de l'Acad. ann. 1746. p. 321.

(x) Smellie, Cases. T. III. p. 506. 507.

cadavera senilia ipsimet interrogent, penitiores ossium mæandros explorent, milleque modis severam investigationem tentent. Certè quidem, in homine maturo, ossium structura firmior, textus compactior, substantia ponderosior, dum, in ætate decrepitâ, eorumdem fragilitas summâ, levitas ingens, porositas longè major. Id ego sexcentiès expertus sum, cum anatomicis incisionibus in nosocomiis totus indulgerem.

I V.

QUÆ cum ita sint, verisimillimum est particulas terrestres ex ossibus abrasas, corporique alendo dudum ineptas, exitum quærere per varia excretoria organa: quem si frustra sollicitaverint, ad articulos membrorum, ad renes, ad vesicam deferuntur, ibi coacervantur, membranasque volumine, gravitate, asperitatibus, distendendo, fatigando, irritando, ægrum acerbè cruciant, usque dum natura, artis amicæ ministerio juvata, hostem ad extrâ propulerit.

At plerumque altiori radice pollet mali fomes quàm ut penitus eruatur. De arthritide cogimur sateri cum *Ovidio*:

Tollere nodosam nescit Medicina podagram (y).

Procellarum incrementa moderatur hygieines, feros impetus refrænât therapeia, hydram verò semel adultam suffocare impotens est omnis medicinæ vis ac virtus. Ossa siquidem novis paroxysmis novum alimentum indefinenter suppeditant, eoque abundantius quò fuerit decrepitior senis ætas. Hinc adeò vicinæ sunt nephralgicarum podagricarumque periodorum reversiones, ut nullo fermè intervallo discriminentur. Calculi pariter id ætatis citissimè renascuntur, augentur in immensum, miseramque vitam appetitâ morte finiunt.

Calculosorum duræ sortis valdè misereor. Sed Arthriticorum conditio non æquè lugenda: nam podagra *vitalitatis longioris potiùs præsagium est quàm mortis principium* (z). In podagricis corpus ab importuno terræ superpondio, quod senes plerisque antè diem necat, periodicè exoneratur, & ad Nestoreos annos adipiscendos ob id habilius herclè evadit. Spem blandam, quam ratio fovet, quam firmat euentus! adde quod periodicè juvenile propemodum recuperent robur, jucundæque suarum functionum integritati restituantur. Insultum prætereà, & numerum, & rabiem, haud modicè minuit appositum vivendi genus. Absit tamen podagricorum infortunia ludibrio habeam, *Luciani* more humanitatem omnem exutus, debitæque afflictis reverentiæ immemot. Suâ culpâ dolentes resipiscant tantummodò liceat obsecrare, mulierum illecebris vitent lenocinari, vigiles agere noctes desinant, vini generosi nectare ingurgitari ut, & lautarum epularum de-

(y) Ovid. Naf. Lib. I. Eleg. IV.

(z) Sauvages, Nosolog. Method. T. II. p. 20.

licii luxuriare dediscant , otium pejus angue fugiant ; aureamque sobrietatem amplexari , melioris fortunæ gratiâ , festinent. *Id enim negotii sibi dari* , ait Sydenhamus (*), *debent credere* (qui podagræ iram mitigare exoptant) , *ut totius corporis habitum immutent* , atque illud ad pristinam constitutionem resingant , quantum per ætatem , & reliquas circumstantias , fieri possit.

Reliqui senes , tempestivâ gypsei excrementi detractiōe vacui , diversa sortiuntur fata , & in universum multò præcocius , si cūm podagricis conferas , ad orcum præcipitantur. Scilicet , in aliis , ab offibus eliminatæ particulæ terrestres viscerum , carniū , vasorum areolas sensim obturant , damnosamque rigiditatem vocant contractilibus muscularium elasticarumque fibrarum viribus futuram aliquandò insuperabilem. In aliis , non ità æquabilis succorum terreorum distributio , organaque nonnulla præ cæteris indurescunt (a) , aut concrementis proteiformibus depravantur , qualia obtulere plus minus exitiosa lien (b) , hep̄ar (c) , pulmo (d) , mesenterium (e) , tunicæ villosa & nervea intestinorum (f) , pleura (g) , omentum (h) , testes (i) , glandula thyreoidea (k) , cerebrum (l) , cerebri falx (m) , dura meninx ejusque sinus (n) , sclerotica oculi membrana (o) , pericardium (p) , cor ipsum (q) , ligamenta (r) , muscoli (s) , tendines (t) , ar-

(*) Sydenh. Tract. de Podagrâ. p. 592.

(a) Villosa ventriculi tunica in deposito senio indurata fuit. Phil. Transf. N°. 306. Vasa duriora investa suat. Ibid. In magno senio cerebrum durius. Ibid. Wepfer , Cicut. Aquat. p. 88. Fischer , de senio. p. 81. Baglivi. fib. motr. p. 15. Mesentericæ glandulæ in senio indurantur. Fischer , de senio. p. 44. Uterus Cartilagineus in annosâ feminâ. Eph. Nat. Cur. Vol. X. Obs. 36. Ovaria indurata. Roederer , Progr. ann. 1758. p. 2. Cor durum , vix scissile. Baglivius , Natur. Fibr. p. 414. Cor tendineum. Oss. Coalit. p. 5. 6. Dura membrana cerebri crassior. Scheuchzer.

(b) Van Swiet. comm. in Boerh. Aph. T. I. p. 267. Ruisch , Centur. Obs. 4. Tiling. Anat. Lien. p. 214. Pechlin. L. II. Obs. 40. Hist. de l'Acad. ann. 1706. p. 26.

(c) Deidier , Conf. L. III. p. 105.

(d) Blas. Miscell. p. 303.

(e) Aët. Mar. Baln. ann. 1699. p. 236.

(f) Nov. Eph. Nat. Cur. Vol. I. Obs. 61.

(g) Cernet , Fibr. senil. N°. 12. Os pleuræ tectum in diaphragmate. Hoernegke , de indurat.

(h) Rong. Pârol. Hist. Med. p. 184.

(i) Henkel , Sum. L. VIII. p. 58. Haen , Ros. Med.

(k) Barthol. Hist. 64. Centur. VI. Opuscul. Patholog. VI.

(l) Haller , Physiolog. L. X. p. 25.

(m) Nov. Comm. Acad. Petr. IV. p. 367.

(n) Phil. Transf. N°. 306. Gernet , Fibr. Senil. N°. 11. Hebenstreit , de Ossium Incrementis. Comm. Lit. 1744. Hebd. III. Lieutaud , Précis. p. 427. Inter duram membranam & fossam mediam cranii effusa materies gypsea. Journ. de Medec. 1764. Aou. B. Genga. p. 155.

(o) Blas. Observat. VIII. Lib. VI.

(p) Duverney , II. p. 2.

(q) Columbus. p. 265. Boerhaav. Prælect. Acad. T. III. p. 725. La Mettrie , in Comm. III. p. 208. Opuscul. Pathol. 52.

(r) Heuerman. T. III. p. 162. Cheselden. Osteogr.

(s) Phil. Transf. Vol. LI. P. I. Vol. LII. p. 143. Opuscul. Pathol. Obs. 45.

(t) Trew , Chylos. sec. p. 49 , &c.

teriæ (u), cæteræ denique molles corporis humani machinæ. Apud aliquos, huiusce perfunctoriæ defæcationis absentiâ, periculosiora ingruunt symptomata mille morborum formas mentientia.

En ærumnarum molem immensam collo senili impendentium, & à consuetis vitæ legibus oriundarum. En, quibus ad interitum præcipites tantoperè fatigantur miseri senes, mille mortis causas.

Durum: sed levius fit patientiâ

Quidquid corrigere est nefas (v).

Ter fortunatos quibus reducem ex ossibus cretam convenienti proportionem, aut foras per exhalantes poros amandari finit diu persua cutis, aut clanculum vacuant alvus lubrica, liberiorave urinaria spiracula! his serò (x),

Vifendus ater flumine languido

Cocytus errans (y).

Etenim functionum stabilitas, integritas secretionum, excretionumque libertas, basi solidâ jucundum fulciunt corporis & animæ commercium.

V

OBJICIES infantes, pueros, adolescentes, ab arthritide, calculo, ejusdemque prosapiei morbis non esse immunes, proindèque non satis firmo niti fundamento thesæos meæ columen. — Sed futilis hæc argumentandi ratio. Non enim unicas esse, quas assignavi, supra - dictorum morborum causas asserui, nec similes in ætate dissimili agere posse negavi, cum probè noverim immensam causarum ad eosdem effectus producendos idonearum varietatem, neque me fugerit senectutem libidine intemperantiâque sæpe sæpius anticipari,

Meam opinionem de podagrâ præconceptam oggannies, quia nil arthritidis sonet nisi morbum merè nerveum, intermissionibus, urinarum tenuitate, flatuum præfentiâ, &c. plùs quàm satis designatum. — Meræ naniæ, istæ objectiones (dicam pace illustrissimi Baglivii Staahlianæque scholæ, quorum auctoritate fulciuntur). Non diffiteor aliquos nervorum in podagrâ influxus: at certè non præcipuas in arthriticâ passione agunt partes. Nerveos morbos sollicitat quidam spirituum animalium orgasmus, apud infantes, mulieres, juvenesque exquisitâ sensibilitate donatos familiaris, senio verò ingravescente perrarus. Idcirco infantibus, mulieribus, juvenibusque mox dictis hocce affectuum genus potissimum incumbit. Arthritis è contrâ senibus hæret mordicis, quæ fæminas puerosve,

(u) Fallop. Part. simil. C. 7. Phil. Transf. N^o. 280. Duverney, de l'Ouie. p. 177. Fabric. Orig. Calc. Ren. p. 20. 21. Nov. Act. Petrop. T. IV. p. 367. Hist. de l'Acad. 1706. Morand, Mem. de 1736. p. 326.

(v) Q. Horatii Carmin. Lib. I. Carm. 25.

(x) Hoffman. Different. vas p. 73.

(y) Q. Horat. Carmin. Lib. II. Carm. XXIV.

etiam ex arthriticis parentibus natos, ferè nunquam, donec consenserint, adoritur. Quid si medicaminum, & arthritidi, & morbis nerveis, congruentium discrepantiam æstimaveris? Quid si arthritica symptomata per nerveam sensilitatem nequeant explicari? Quas afficiunt morbi nervei partes, non inflammantur, non rubent, non tument, non calent; nulla fit materiei morbosæ excretio; adsuat tantum rigor & spasmus. Podagram comitatur tumor, rubor, calor, sequitur materiei peccantis manifesta evacuatio. Ergo diversa arthritidis morborumque nerveorum essentia.

Ambagibus solers inquires laminas ossium senilium fibris compadioribus conflari, vias minui (2), coaluisse, conservare vasa, occæcari, quorum ope, quod sum commentus, fiat ossium decrementum. — Esto, senectâ ineunte, partium fluidarum ad solidas ratio minor efficiatur, tor minus irritabile debilius pulset, vasorum elementa ad propiores contactus adducantur, plurimorum lumina obstruantur. Vitâ nihilominus ossa etiamnum frui, serosisque saltèm humoribus etiamnum irrorari abundè confirmant injectiones, autopsia, odontalgia, dolores osteocopi, diversæ cariei species: proindeque liquidis acribus, terreæ penûs absorptionem molientibus, viæ neutiquam occluduntur.

Instabis existere ossa, è cadaveribus senum ad proveciores annos perventorum deprompta, tantâque soliditate prædita, ut eburneam duritiem superare videantur. — Quid ad rem? Absit ut miracula quandoquè perpetrari eam inficias. De communiori lege solummodò loquor. An exindè quod unus aut alter senex annum ætatis 150um aut 160um per spatium sæculi implere obtineat, an, inquam, indè concludes hanc esse vulgarem vitæ humanæ mensuram? Diversum vivendi genus, temperies, pretioso naturæ errore, solitâ robustior, aliaque talia ossium compagem poterunt identidèm, vel in senectâ, firmare, viresque viro maturo proprias ad ultimum senium producere. Hæc autèm præter naturæ tritam agendi rationem, nec obstant quin mecum concludatur:

Ergo idè arthritidi, calculo vesicæ, nephralgiæ arenosæ, aliisque id genus morbis potissimum obnoxii senes, quod hac ætate potissimum ossea compages deteratur.

(2) Haller. Oper. Minor. T. I. p. 88. N°. 6.

DOMINI DOCTORES DISPUTATURI.

M. Edmundus-Joachim. BOUR-	M. Henricus-Alexander TES-	M. Franciscus THIERY DE
DOIS DE LA MOTTE, Chir.	SIER.	BUSSY, Physiologia & Pa-
Gall. id. an. 1787-88. Prof.		thologia. an. 1771-73. Prof.
M. Christophorus-Nicolaus DE	M. Augustinus THOURET.	M. Ludovicus-Gilbertus BOIS-
JUSSIEU.		ROT DE JONCHERES.
M. Joannes THAURAUX.	MARIA-Zorobabel. MUNIER.	M. Carolus SALLIN, Saluberrima Facultatis exdecanus, Physiologia & Pathologia. an. 1780-82. Prof. Acad. censor & Biblioth. ab an. 1786.

Proponerat Parisiis, LUDOVICUS-AUGUSTINUS-JOSEPHUS DESROUSSEAUX, Carolopolitanus, Rhemensis, necnon saluberrimæ Facultatis Medicinæ Parisiensis Baccalaureus, Theses auctor.

Typis QUILLAU, Saluberrimæ Facultatis Medicinæ Typographi. 1790.

